

Fwen Goengheij

恭 喜 歌

□ Cinz Genmouz / 覃建谋

Goengheij coenz daih'it,
Daihgit youh daihleih,
Goengheij raeuz gak veih,
Bineix fat daihcaiz.

Goengheij coenz daihngeih,
Hoh gak veih gengangh,
Bouxlaux ndang doq cangq,
Lwglan mangx lumj guk.

Goengheij coenz daihsam,
Lwglan yamq ndaej hung,
Hagsib coh naj cung,
Dungxcaiz laeg lumj lueg.

Goengheij coenz daihseiq,
Diendeih hai valienz,
Raeuz bouxboux miz cienz,
Beij saenzsien fouqmiz.

Goengheij coenz daihhaj,
Lwgmbwk lumj va hai,
Boux sai gaenx lumj vaiz,
Caezgya maij dangqmaz.

Goengheij coenz daihroek,
Bawx boeksaed hauqsw,
Lwggwiz gyaenz daiqda,
Bak riu daengx mbouj roengz.

Goengheij coenz daihcaet,
Caizheiq yaek daeuj daengz,
Caizsaenz ndaw ranz naengh,
Baengzyoux daeuj doxbang.

Goengheij coenz daihbet,
Ce ndaej ngaenz gvaq cieng,
Fwen goengheij cingq ciengq,
Ciengx mou bit daeuj gaj.

Goengheij coenz daihgouj,
Bineix soucingz ndei,
Gwn gijmaz cungj feih,
Beij gwn dangz lij diemz.

Goengheij coenz daihcib,
Vunzhuk hix bienq gvai,
Bouxhoj ndaej fatcaiz,
Daih beij daih engq fouq.



Bi 1973 ndwen 9, ciuq gij yigen Veiz Gozcingh, Dangjveij, Gwzveijvei Swcigih faenbied sij baugau hawj Dangcunghyangh caeuq Gozvuyen cingjgouz guhgvangq Fangzcwnzgangj, caemhcai q soengq faenh sawyigen Fangzcwnzgangj bwh guh diegdozruz raemxlaeg gaepfanhdun he hwnjbae, ndaej daengz Dangj-cunghyangh caeuq Gozvuyen baecinj. Ngamq haidaeuz, ngaenzgoek mbouj caengz daengz, Veiz Gozcingh caeuq Liuz Cunggvei, Anh Bingzswng, Gyauz Yaujgvangh, Cinz Yinggih daengj geij boux suhgi doxyaeng, youz ngaenzcaiz swcigih dawz ok gonq. Aenvih noix gij sezbei gihgai daihhingz, doihguh hong couh ciuq gij diuzgienh haemzhoj dangdieg, yungh fapdoj bae hwnjguh. Ndwen 10, aen daih'it diegdozruz raemxlaeg gaepfanhdun Guengjsae cingq sik haigoeng guh hwnj lo.

Guh aen diegdozruz gaepfanhdun seiz, Veiz Gozcingh caeuq gyoengq bangfwngz de, youh yaek roengzfwngz guh diuz dietloh Namzningz daengz Fangzcwnzgangj. Veiz Gozcingh nyinhnaeuz, guh baenz aensok Fangzcwnzgangj youh youq baihnanz guek raeuz haiok le aenbak okhaij he,

danghnaeuz gyaudoeng riengz mbouj hwnjbae, lij mbouj miz geijlai cozyung. Guh diuz Dietloh Namz-Fangz he, caeuq aensok Fangzcwnzgangj doxboiqdauq hwnjdaeuj, mboujdan ndaej bang rap mbangj hongrap dajyinh doiq rog gaicawx Cunnamz caeuq Saenamz, gemjmbaeu gij lienghgyanhai z Can-gyangh, Vangzbuj daengj aensok caeuq gij gugmienh dajyinh gaenjcienq Dietloh Liz-Can, caemhcai q hawj gij cienz baihnaj rehaij Bwzbuva n h caeuq gij dieg "sam sienq" Saenamz ndaej cigsoh doxlien z hwnjdaeuj, yienghneix doiq gyamaenh reguek, mbefat doiq rog gaicawx, haifat swhyen z haijyangz, gyava i q hwnjguh ginghci Guengjsae, cungj miz yi i hungloet.

Bi 1975 ndwen 2, guekgya doengzeiq swcigih daezok guh diuz dietloh Namzningz daengz Fangz-

cwnzgangj ndeu, lij doengzeiq Fangzcwnzgangj youq aen goekdae j gaenq bae guh song aen diegdozruz raemxlaeg gaepfanhdun gwnzde, caiq lai guh 5 aen diegdozruz raemxlaeg gaepfanhdun doxhwnj caeuq gij boiqdauq doxhab dem.

Bi 1975 ndwen 3, Guengjsae dauqdae j youq 1000 lai goengleix sienqhamqhaj gwnzde guh baenz aen daih'it diegdozruz raemxlaeg gaepfanhdun.

Veiz Gozcingh caengz ndaej yawjraen gij diegdozruz raemxlaeg w n q Fangzcwnzgangj guhbaenz caeuq Dietloh Namz-Fangz doengci couh lizhai Guengjsae lo, hoeng gij dwgrengz caeuq gij roengzrengz de vih Guengjsae dwk doeng diuz roenokhaij caeuq gij goekdae j de dwkroengz hawj diuz roenhaj neix, vunzlai gak cuz Guengjsae ciengxlwenx lumz mbouj

ndaej.

Seizneix, Digih Ginhcouh gaenq fazcanj baenz Bwzhaj, Ginhcouh, Fangzcwnzgangj sam aen si. Youq guekgya dingjrengz lajde, ginggvaq liggai q Dangjveij caeuq Cwngfuj Swcigih roengzrengz, gij sok sam aen si mboujduenh ndaej guhgvangq caeuq caezcienz. Dietloh Namz-Fangz ndaej guh baenz sawjyungh le, youh laebdaeb guh le Dietloh Ginh-Bwz caeuq Dietloh Liz-Ginh. Diuz Dietloh Namz-Gunh vunzlai cajmuengh baenznan z gaenq ndaej doengci, gij goengloh gauhsuz daj Gveilinz gvaq Namzningz daengz Ginhcouh, Bwzhaj caeuq Fangzcwnzgangj hix guh baenz gvaq, gij baijbouh canloz Cunghyangh daezok hawj Guengjsae guhbaenz diuzroen okhaij Saenamz gaenq cugbouh ndaej daengz saedyienh.

(caengz sat)

Mbawfaex Loenqdoek Caen Fouznaih

无可奈何的落叶

□ Luj Sauh

Mbawfaex seizcou gag loenqdoek
Saekseiz moek lajnamh
Saekseiz biu hwnj mbwn
Minghyinh ndi dingh ndaej
Rumz fouz cingz fouz ei q
Dongj mwngz doek daengz gwnz namh
Naedfwn angjak dwk
Rwed mwngz cienz dumzmbae q
Bouxvunz byaij gwnzloh
Daemh mwngz geij mbat din
Lwgnyez mbouj roxsoq
Sik mwngz gveng gwnzdieg

Ganjfaex hung youh coek
Gag naemj gag siliengz
Ngiengx gyauej daemx byaifaex
Louz miz geijlai mbaw
Mwngz gag rox
Daihdeih coh mwngz vadfwngz
Diuzmingh gaenq doekcod
Ngoenzcog nanz ra raen
Hoeng
Mwngz yungh ndik lwed cei q doekcod
Rwedganq doengh mbaw caengz doekloenq
Laepda boenq bae cou



Mbanj Mingzsiq Dasingh

Veiz Gozcingh Sangcieng Cawj-guenj Guengjsae Ngeihcib Bi

韦国清上将主政广西二十年

□ Hoz Saubangj sij Cinz Siengzcouh Liuz Gingliuj Cinz Siengzgen hoiz

Bi 1973 ndwen 9, ciuq gij yigen Veiz Gozcingh, Dangjveij, Gwzveijvei Swcigih faenbied sij baugau hawj Dangcunghyangh caeuq Gozvuyen cingjgouz guhgvangq Fangzcwnzgangj, caemhcai q soengq faenh sawyigen Fangzcwnzgangj bwh guh diegdozruz raemxlaeg gaepfanhdun he hwnjbae, ndaej daengz Dangj-cunghyangh caeuq Gozvuyen baecinj. Ngamq haidaeuz, ngaenzgoek mbouj caengz daengz, Veiz Gozcingh caeuq Liuz Cunggvei, Anh Bingzswng, Gyauz Yaujgvangh, Cinz Yinggih daengj geij boux suhgi doxyaeng, youz ngaenzcaiz swcigih dawz ok gonq. Aenvih noix gij sezbei gihgai daihhingz, doihguh hong couh ciuq gij diuzgienh haemzhoj dangdieg, yungh fapdoj bae hwnjguh. Ndwen 10, aen daih'it diegdozruz raemxlaeg gaepfanhdun Guengjsae cingq sik haigoeng guh hwnj lo.

Guh aen diegdozruz gaepfanhdun seiz, Veiz Gozcingh caeuq gyoengq bangfwngz de, youh yaek roengzfwngz guh diuz dietloh Namzningz daengz Fangzcwnzgangj. Veiz Gozcingh nyinhnaeuz, guh baenz aensok Fangzcwnzgangj youh youq baihnanz guek raeuz haiok le aenbak okhaij he,

danghnaeuz gyaudoeng riengz mbouj hwnjbae, lij mbouj miz geijlai cozyung. Guh diuz Dietloh Namz-Fangz he, caeuq aensok Fangzcwnzgangj doxboiqdauq hwnjdaeuj, mboujdan ndaej bang rap mbangj hongrap dajyinh doiq rog gaicawx Cunnamz caeuq Saenamz, gemjmbaeu gij lienghgyanhai z Can-gyangh, Vangzbuj daengj aensok caeuq gij gugmienh dajyinh gaenjcienq Dietloh Liz-Can, caemhcai q hawj gij cienz baihnaj rehaij Bwzbuva n h caeuq gij dieg "sam sienq" Saenamz ndaej cigsoh doxlien z hwnjdaeuj, yienghneix doiq gyamaenh reguek, mbefat doiq rog gaicawx, haifat swhyen z haijyangz, gyava i q hwnjguh ginghci Guengjsae, cungj miz yi i hungloet.

Bi 1975 ndwen 2, guekgya doengzeiq swcigih daezok guh diuz dietloh Namzningz daengz Fangz-

cwnzgangj ndeu, lij doengzeiq Fangzcwnzgangj youq aen goekdae j gaenq bae guh song aen diegdozruz raemxlaeg gaepfanhdun gwnzde, caiq lai guh 5 aen diegdozruz raemxlaeg gaepfanhdun doxhwnj caeuq gij boiqdauq doxhab dem.

Bi 1975 ndwen 3, Guengjsae dauqdae j youq 1000 lai goengleix sienqhamqhaj gwnzde guh baenz aen daih'it diegdozruz raemxlaeg gaepfanhdun.

Veiz Gozcingh caengz ndaej yawjraen gij diegdozruz raemxlaeg w n q Fangzcwnzgangj guhbaenz caeuq Dietloh Namz-Fangz doengci couh lizhai Guengjsae lo, hoeng gij dwgrengz caeuq gij roengzrengz de vih Guengjsae dwk doeng diuz roenokhaij caeuq gij goekdae j de dwkroengz hawj diuz roenhaj neix, vunzlai gak cuz Guengjsae ciengxlwenx lumz mbouj

ndaej.

Seizneix, Digih Ginhcouh gaenq fazcanj baenz Bwzhaj, Ginhcouh, Fangzcwnzgangj sam aen si. Youq guekgya dingjrengz lajde, ginggvaq liggai q Dangjveij caeuq Cwngfuj Swcigih roengzrengz, gij sok sam aen si mboujduenh ndaej guhgvangq caeuq caezcienz. Dietloh Namz-Fangz ndaej guh baenz sawjyungh le, youh laebdaeb guh le Dietloh Ginh-Bwz caeuq Dietloh Liz-Ginh. Diuz Dietloh Namz-Gunh vunzlai cajmuengh baenznan z gaenq ndaej doengci, gij goengloh gauhsuz daj Gveilinz gvaq Namzningz daengz Ginhcouh, Bwzhaj caeuq Fangzcwnzgangj hix guh baenz gvaq, gij baijbouh canloz Cunghyangh daezok hawj Guengjsae guhbaenz diuzroen okhaij Saenamz gaenq cugbouh ndaej daengz saedyienh.

(caengz sat)